

日本藏中國罕見地方志叢刊

〔崇禎〕嘉興縣志



日本藏中國罕見地方志叢刊

〔崇禎〕嘉興縣志

書目文獻出版社

日本藏中國罕見地方志叢刊

〔崇禎〕嘉興縣志

書目文獻出版社出版

（北京文津街七號）

新華書店北京發行所發行

秦皇島市資料印刷廠印刷

727×1092·1/16·66.5 印張

1991年10月北京第一版 1991年10月北京第一次印刷

定價 133 圓

ISBN 7-5013-0887-X/K·104

出版說明

地方志是我國文化遺產的一個重要組成部分，也是我國古代文化發展史上特有的現象。方志的編撰源遠流長，代有修撰，明、清時期達到頂峰，產生了許多優秀之作。方志的價值也越來越多地為人們所認識，它不僅是編修新志必不可少的基礎和參考，也是今天研究古代文學、民俗學、歷史地理、天文礦藏、古代農業生產、自然災害，特別是明清以來社會歷史發展情況的資料寶庫。

據《中國地方志聯合目錄》不完全統計，流傳至今的歷代方志有八千二百餘種，其中不少流散海外，為日本、法國、美國、加拿大等國所收藏，我國國內僅有存目。為保存祖國文獻，發展民族文化，滿足國內的研究需要，北京圖書館通過各種渠道，主要是國際交換的方式，廣泛查尋，搜集流散於海外的方志，並製成縮微膠卷。我社對這批膠卷進行整理，選取了其中現為日本所藏，國內罕見的地方志近百種，編成叢刊，影印出版。

本叢刊的取舍原則以書的內容價值為主，同時兼顧版本的情況，擇優而從。選入本叢刊的方志主要是明、清兩代所修，其中百分之八十是原刻本；有十餘種《中國地方志聯合目錄》未予記載；另外，有些方志《中國地方志聯合目錄》雖收錄，卻記載有誤。還有個別方志，國內雖有刻本，但版本不精，雖有膠卷，而未及影印，廣大讀者不易得見，我們也選入了本叢刊。

《日本藏中國罕見地方志叢刊》將陸續分冊出版，預計兩年出齊。原則上，每種書為一冊；但是卷數少者數種合為一冊（以地區劃分，歸類相聚，各類中又以修撰時間先後為序），卷數多者一種析為數冊。我們在影印編輯過程中，除對個別明顯錯簡、倒置的地方進行糾正外，原書缺頁之處也加以說明，其餘則儘量保持原書的面貌。

本叢刊的出版得到了北京圖書館普通古籍組薛英、伍躍、鮑國強等同志的大力支持，楊殿珣先生並於百忙中為叢刊題簽，在此，我們謹致謝忱。

書目文獻出版社

一九九〇年二月

日本藏中國罕見
地方志叢刊

楊殿珣題

續修嘉興縣志序

嘉興古禦兒地春秋曰長水橋
李秦由拳孫吳嘉禾禾興也晉
唐隸蘇宋隸杭其以嘉興名府
自宋慶元始縣改禾興曰嘉興
則自孫吳黃龍始晉天福中析

縣西鄙置崇德復升縣爲州宋
仍爲縣

國朝宣德四年始析嘉興縣置
秀水嘉善蓋累代沿革畫界分
疆其粲然者矣夫一嘉興耳爲
郡爲府復爲路爲縣復爲州府

有志縣無志則以附府故然府
提其綱縣條其目矧嘉首七邑
著名最古志可無創乎嘉秀皆
郡翊同稱澤國上腴而秀志先
成則先大夫學士實載筆焉然
嘉猶缺如無論往昔卽

明興以來二百六十餘年之遺
典湮滅不章其何以徵獻文備
掌故貢俗觀風昭示來許乎天
啓甲子 湯侯麗河以

朝徵

二廟故實特延孝秀沈君景倩

屠君德胤陳君良卿詮次舊聞而稟成于李太僕九疑先生爲九則六十餘目屈指凡十有四年而李太僕及屠文學相繼捐館此志僅成其半而置不復修適羅侯有持來蒞嘉慨然允

諸生請卽不敏吳謀所以終其事者不敏吳逡巡避席曰美哉仁侯之爲嘉也一邑之鑑千秋之衡令不敏徼惠得附于龍門蘭臺之後人豈非至幸顧志之難專在鄉邦之月旦前人難此

而留不了之局今不敏起而獨任其難匪特乏文直事核之才抑亦懷府怨招尤之懼蓋書事紀言當年之簡尚其多聞傳信勒成刪潤後來之筆貴乎儔識通才且美嫌揚已避首事之艱

序四

成恥因人啓紛更之議故有務長厚若司馬德操每輒言佳者有事關門戶若孫盛晉春秋諸子私改者有私昵若曹丘生游揚季布者有私憾若陳壽傳忠武將畧非長者有隨聲附和若

不疑盜嫂第五倫過婦翁者有言甘中苦若諸葛豐之于堪猛前譽後毀者吳不敏博謝倚相直慚董狐無能世琰彪遷固之業而欲以丘壑之身操衮鉞之柄儕粉榆之社肆月旦之評懼

序五

乎不懼乎敢辭侯固請或告不敏曰嘉之與秀後同旬繇同額畚揭同侍尊公有秀志在可合而按也李少卿與君通家沈景倩內兄弟也屠德胤肺腑戚生平莫逆君就而踵之如以膠投

漆以芥納針可無枘鑿君不踵而誰踵乎且梨棗已積一紀外後簡未成前刻已蠹美業當成前功不可棄何辭爲不敏避其言於是勉肩斯任惴惴焉蟲負山蠡測海罔知津涯而 羅侯

序六

輒捐俸助刻竊念 羅侯之在吾禾也茹藥飲水合郡稱爲真廉吏此俸詎可易得用是益不敢怠遑亟聯同事之舊人則沈季廉計偕遲返而李少卿子會嘉屠文學子用明及陳文學良

卿在焉李屠二君克紹弓冶暨陳君之博洽目中罕覩搜羅弘富足備采擇心甚快之又訪知當年陰爲刪定而大有功于斯乘者則姚君叔祥詞壇共推白眉者也於是請于 侯仍煩諸

君子協助而更益之以太學洪君善之文學沈君麟仲錢君穉拙皆一時秣苑之名流而予姪卯錫予子寅錫子錫咸効搜羅編纂之勞適沈孱廉還自燕復襄舊業益慰將伯之望更有鄉

紳譚梁生先生素稱博物君子方修韻史網羅古今時出其枕中秘以相佐又有逸士陳君無功擁書萬卷夙號邊笥盡出其著述以助采擷不敏上藉

明府羅侯之主裁下賴一時諸

君子之協贊而間効其管窺殫心思窮晝夜卽舉子揣摩不勤於是自官師以下五志皆創構而以前各志則仍舊貫而補新猷凡五閱月而始就載籍無窮耳目有限是集也豈敢謂遂無

遺漏但搜求不厭博諮諏不厭
周考訂不厭詳亦既洋洋大備
於是貢俗采風或庶免掛漏之
誚乎至于先輩列傳所憂憂乎
其難者竊取善善長惡惡短之
義寧詳毋畧寧褒毋刺卽冒德

凡九

操之誚而不辭然不得不分欸
目于其首則一本之虛心直道
愚謬或有之毀譽則豈敢不敏
不忍虛 賢侯之雅意隳故友
之前功更妄希龍門蘭臺之佳
話冒昧而承是役知我罪我一

付之難調之世態無厭之人情
矣謹拜稽以復 賢侯之命
崇禎丁丑吉日

賜進士文林郎江西布政使司
右叅政分守南瑞道

予告前大理寺右評事選授吏

科給事中陞刑科右忤璫削
奪

今上賜環戶科右給事中陞工
科左巡視廠庫陞河南按察
司副使兵屯驛鹽道加右叅
政陞福建按察使分守建南

道邑人黃承吳撰



嘉興縣志序

橋李以地勝見春秋壯千古逢聖
藻也乃後此不第辱受秦稱之勿
終邑卽雅受吳名之爲今縣已來
且二千年卒無一語乘傳當時耀
後世以不雄撰之逢耳撰不易逢
自春秋至此無亦埃今春秋之足
紹聖藻也乎惟是橋李僅東南一
彈丸地地奚勝而必今春秋之褒
貴之也不知橋李越疆越實自此
得志于吳胥雖有山莫禦越來蠡
則有湖究令吳沼無論其爲廢興

成敗憤激感奮之鄉有如騷爲楚
忠訴心絕響而嚴夫子獨賡懷寫
怨爲東國騷壇先路此猶地以騷
雅重也有唐途泚乘釁圍逼奉天
陸敬輿心手捷給謀畫帷中卒平
大憝貞元已後之唐實爲宣公再
造此猶地以名宰輔重也宋思陵
南渡統脉垂剪而孝宗龍躍潛邸
威敵保民爲中興名主延祚百有
餘年此則地以一代帝王重矣夫
樵李之地重有三若此顧不得與
舊析之雲間語兒近析之秀武梧

桐各有地記僅以一縣名附郡掌
故是各禰小宗而忘其鼻祖也無
乃使春秋書爲不受地重之義哉
但嘉受吳名見載籍惟唐陸道瞻
吳地記耳此時雖析華亭吳江猶
合語秀武梧爲一大縣與錢塘蘇
湖泖海爲界今縣凡五析所稱各
勝幅裂他縣幸樵李故城尚如杜
當陽所謂在嘉興縣南者爲不失
故物耳當知前析境之賢豪營魄
千齡祇認是舊時梓里未分疆之
題詠流聞百禩寧知爲今日山川

故人惟當以代受勝不應以境限也入

國家疆理有制嘉爲浙迤西壯縣乃宣德初用胡大理議劃我幅圓分立秀善此最一大更革也宜書去此百五十年有嘉靖壬子倭奴

之亂兵燹所被邑無寧土繕城築壘徵兵餉士者數年而定此又大變亂也宜書去此數十年爲萬曆辛巳履畝而丈丈復不實且有縮弓溢額之弊患垂至今此又大釋騷也宜書去此數十年爲歲

丙辰有嘉善爭田之擾致監司郡守掛冠而去此又一大爭訐也宜書若夫趙郡公官民田則之扒平爲垂遠之善政龐侍御銀力二差之條鞭信惠民之良法潘巡道藩司斂解以代民誠恤役之芳規也書尤合于特書之書者也至于人羣英偉事烈當時如楊公任沉族于太常包柱史謫死于塞徼沈司馬杖戍于奪情此皆扶翼人綱振激名教足光大書之書者他若屠宮諭戚尙璽之纂組英韶錢郡守

鄒吏部之潔身冰雪張參知朱都督之盜倭揚烈威當在書爵書字書功之班者也或謂之皆近代不及前修何也曰前人在國史舉未史以就史也夫昔書古樛李者春秋茲書今樛李者今春秋擅今春

秋之袞鉞開二千年之天地者竹帛烟霞經緯日月

召起儀曹之九疑李先生也篋雄著記手佐瓌奇者義高雲天思捷風電之沈季廉景倩也博搜旁採質訂疑寘者藻擅宗工思入纖渺

之屠茂才德胤陳文學良卿也而德胤嗣君懋昭則廣攬冥求志之圖注多助焉茲不猶今春秋之有今三氏今釋音也乎若余則始雖同聲于義例中致鞅掌乎簿書方事餒篇會當馳

觀輒先游夏所云不能用慶樛李之逢雄撰幸卒業後賢勿罪余言爲仲淹之僭聖藻也

天啓甲子孟冬之吉知嘉興縣事
毘陵湯齊撰



嘉興縣志序

嘉邑故未有志居恒徵往事
一倚郡乘顧郡特其綱具耳
朝章國憲物紀民庸山澤近
出之奇人林嗣興之傑自郡

有乘來書之又將更僕懽懽
乎其未有屬也夫嘉于七屬
冢昆也守府之謂何而俯以
遜其仲季義未協也
今上癸亥史局檄徵

神光兩朝故實郡謬以屬不
穀詮次邑麗河湯侯曰茲不
足為志地乎幸留意不穀謝
不敏曰主臣茲特四十年餘
吏牘具耳恐不足為志材也

我邑置自季周其名顯於孫
吳顧其為嘉興也一以為縣
一以為軍為府一以為郡為
路一以為州而更曰秀方其
為軍為府為郡為路為州則

有所隸及其自為縣則一以隸秀一以隸蘇一以隸杭幅幘侈則際海而入雲會割以界分邑則儉而僅附於郡趾分合附離轉徙不一人事經

紀其中者亦錯綜具變若是者非淵宏多蓄則虞單漏非鉤覈精審則虞舛差非具超朗融洽之識則脉理弗聯非擅省括剪裁之妙則蕪累弗

去若夫創起則神沮於奠基恃援則意迷於多徑鉅鼎而探指者酸醎難協道築而旁睨者嚮背異言是故非不穀寡昧所能勝也無已則鄉先

生沈瀛壺公有燕居備覽八卷頗為邑志地願假靈寵出之以為丘陵之因又徧造邑中藏書之家發其鐫鑰徵合二三吮毫之彥藉其編摩而

又授之章程濡以時日意可
幾乎侯唯唯具如不穀指遂
手畫修志約九則六十餘目
不穀受而偕孝廉沈君文學
屠君陳君勉卒業為其為書

自秦餘越絕以迄今茲上下
二千餘年自禹杭苕霅淞滬
平江東西五百餘里所有方
言地志簡策稗初靡不摭摭
靡不鎔合有形可陳則為具

圖有年可紀則為立表其言
汪洋則為作書其事靡積則
為著考有不勝書之芳行而
為存略有不可混之群言而
為別類既成以視郡乘不啻

加詳然而系冕之旒無越緒
也以質旁邑志或相涉入然
而交鏡之光非強附也以古
人不一之建置不一之著述
不一之辯議不一之點綴而